

ATLETIEK

Ons is baie opgewonde om onder die nuwe Vlak 1 regulasies weer te kan begin met atletiek. Soos altyd wil ons reeds die jaar begin om ons atlete reg te kry vir die 2021 seisoen. Let asseblief op na die volgende belangrike inligting en datums.

Oefening:

Oefening sal vanaf Dinsdag, 13 Oktober tot Donderdag 15 Oktober plaas vind en is oop vir enige atlete. Alle leerders kan enige dag vir oefening kom, dit is nie beperk tot die groep waarin jy is nie. Al is groep 1 byvoorbeeld Dinsdag nie by die skool nie, kan hulle steeds vir oefening opdaag.

Juniors (Gr R - 2):

13:30 – 14:00

Seniors: (Gr 3 – 6):

Ouderdom (geboorte jaar)	Velditems (Hoogspring, Verspring en Gewigstoot)	Naellope en Hekkie	Diskus en Spiesgooi
0/9 (2011)	14:15 – 15:00	15:00 – 15:40	
0/10 (2010)	14:15 – 15:00	15:00 – 15:40	
0/11 (2009)	15:00 – 15:40	14:15 – 15:00	15:45 – 16:30
0/12 (2008)	15:00 – 15:40	14:15 – 15:00	15:45 – 16:30

Uitdunne:

Op Woensdag, 21 Oktober (Groep 1) en Donderdag, 22 Oktober (Groep 2) gaan ons uitdunne hou om die finale oefengroep te kies. Hierdie oefengroep sal dan in kwartaal 4 genooi word om by afrigters te oefen.

Die Gr Re se uitdunne sal op 'n aparte geleentheid gedoen word. Onderwysers sal u in kennis stel wanneer dit gaan plaasvind

COVID-19 Regulasies:

Atlete moet met maskers na die oefening toe kom, sodra hulle hardloop/spring/stoot kan die masker afgehaal word en afrigters sal toesien dat die nodige sosiale afstand gehandhaaf word. Afrigters sal verseker atlete se hande word gesaniteer voor en na oefening. Die betrokke apparaat sal ook op 'n gereelde basis gesaniteer word. Ouers/voogde word ongelukkig nie toegelaat om binne die skoolterrein te wees tydens oefening nie.

Byeenkomste:

Atlete wat na die uitdunne deel is van die oefengroep sal Vrydag, 6 November aan ons Interne byeenkoms deelneem. Ons is ook in die proses om nog byeenkomste saam ander skole te finaliseer.

GRAAD 1 2021

Indien u op 1 Oktober 2020 'n SMS vanaf die Departement van Onderwys ontvang dat u aansoek vir Graad 1 in 2021 by Danie Malan suksesvol was neem kennis van die volgende:

1. U moet die plek op die aanlyn platform aanvaar binne 7 dae – dus voor of op 7 Oktober. Indien u nie binne 7 dae die plek aanvaar nie, gaan u die plek verbeur. As u probleme ondervind met die proses kom na die skool sodat ons u kan help daarmee.
2. Nadat u aanlyn die plek aanvaar het, moet u 'n Danie Malan aansoekvorm by die sekuriteit by die kantooringang kom afhaal.
3. U moet die voltooid aansoekvorm inhandig voor of op 12 Oktober 2020.
4. Indien u die volgende dokumente net aanlyn opgelaa het en nie by die skool ingehandig het nie, moet u dit saam met die inskrywingsvorm inhandig:
 - Geboortesertifikaat
 - Kliniekkaart
 - Albei ouers of voogde se ID's
 - Bewys van woonadres

Neem kennis dat leerders by die skool geplaas is volgens die afstand wat die ouer vanaf die skool bly. Die feit dat die leerder reeds 'n Graad R leerder was of reeds 'n broer of suster in die skool het, is nie in ag geneem nie. Die plasing word deur die Gauteng Onderwysdepartement gedoen volgens hul inskrywingsriglyne en nie deur die skool nie. Ons is regtig jammer vir elke Graad R leerder en leerder wie reeds 'n boetie of sussie in die skool het, wat nie plek gekry het nie.

Volgens die Distrik gaan hul weer 16 Oktober SMS'e stuur.

VRYDAE GRAAD 1-7:

Ons volg van Maandag 28 September 'n drie-dag-rooster.

Groep 1 kom op Maandag en Woensdag skool toe en elke tweede Vrydag.

Groep 2 kom op Dinsdae en Donderdae skool toe en elke tweede Vrydag.

Die skool kom steeds 13:00 uit op 'n Vrydag.

Die kalender dui die res van die kwartaal se datums aan waarop die verskillende groepe skool toe moet kom.

Groep 1 is in geel geskakeer en groep 2 in groen.

Oktober / October 2020					
	Maandag / Monday	Dinsdag / Tuesday	Woensdag / Wednesday	Donderdag / Thursday	Vrydag / Friday
Week 7				1 2	2 1
Week 8	5 1	6 2	7 1	8 2	9 2
Week 9	12 1	13 2	14 1	15 2	16 1
Week 10	19 1	20 2	21 1	22 2	23 2
					Skool sluit / School closes

DIENSRAAD:

Wil net onder Graad 5 ouers se aandag bring dat die aansoekvorm vir Diensraad 2021, Vrydag 2 Oktober beskikbaar sal wees by Juffrou A. Otto, kamer F5 sou 'n kind belangstel om aansoek te doen. Die sluitingsdatum vir aansoeke is 19 Oktober.

GRAAD 6 LEIERAANSOEKE:

Die Graad 6 leerders ontvang die week elk 'n leierbeleid sowel as 'n leieraansoekvorm. Die voltooide aansoekvorms moet op 16 Oktober ingehandig word.

DM'S GOT TALENT 2020

Laerskool Danie Malan stel graag ons heel eerste aanlyn talentkompetisie aan julle voor! Die kompetisie is oopgestel vir alle leerders van gr. R tot gr. 7 en is vir enige spesiale talente. Dit is nou jou Tyd om te Skitter! Daar is geen oudisieproses nie en enige leerder kan inskryf vir rondte 1.

Na elke rondte gaan slegs die top 50% van elke kategorie deur na die volgende rondte (dit word bepaal deur die aantal stemme).

Die "Danie Malan's Got Talent" kompetisie word deur d6 Connect gefasiliteer op die skool se eie unieke webblad en die betaalkanale is deur Sticiti Pay op d6. **Alle inskrywings en betalings word elektronies gedoen via d6, maak dus seker u is geregistreer op d6 en dat daar genoegsame fondse in is.**

Waarvoor kan ek inskryf?

Leerders mag vir enige talent inskryf. Gr R-3 neem deel in die Junior kategorie en Gr 4 – 7 neem deel aan die Senior kategorie

Voorbeelde:

Danssolo's, sangsolo's, instrumentale solo's, drama-items (individueel), kulkunsies, baltoertjies, akrobaat solo's, ritmiese gimnastiek met apparaat, gimnastiek items, ens. Absoluut enige iets waarin jy skitter!!

Pryse vir die sterre

Eerste prys: R500

Tweede prys: R250

Derde prys: R150

Koste

Inskrywings: R50 per inskrywing.

Stem: R2 per stem

Reëls en regulasies vir inskrywings

Alle ingeskrewe videomateriaal sal deur die skool besigtig word vir goedkeuring om te verseker dat:

- Die inhoud ouderdomstoepaslik is.
- Die gebruik van suggestiewe of krutaal vermy word.
- Geen vooroordeel voorkom nie,
- Dat inhoud nie politiese, godsdienslike of seksistiese uitsprake bevat nie.
- Dat die standaard van die inskrywing van 'n hoë gehalte is.

Hoe om jou video op te laai

1. Teken in op jou Youtube rekening of skep 'n rekening as jy nie een het nie.
2. Kliek dan op die video ikoon bo in die regterkantste hoek van die skerm.
3. Kliek dan op "upload video"
4. Volgende, kliek jy op "select files to upload" om die video vanaf jou foon of rekenaar op te laai. Of jy kan dit "drag and drop".
5. Gebruik die korrekte benaming wanneer jy die video oplaai byvoorbeeld: Karina Gouws Senior Gr 5/E3.

6. Jy het die opsie om jou video se "privacy settings" te stel na "public" of "private".
7. Jou video is nou gelaai, kopieer die video skakel en gebruik die skakel om te registreer op <https://talent.sticitt.co.za/daniemalan>
8. Indien jou video aan die reëls voldoen sal jou inskrywing aanvaar word.

Hoe om te stem en na videos te kyk

1. Klik op die gegewe link <https://talent.sticitt.co.za/daniemalan>
2. Kyk na die videos en stem vir jou keuse.
3. Wanneer jy op "stem" gaan klik, gaan jy na d6 gevat word en die R2 betaal.
4. Jy kan soveel keer as wat jy wil stem.

Wenke vir maak van video's

- Hou die foon dwars en so stil as moontlik.
- Lengte van video word beperk tot minimum 1 minuut en maksimum 3 minute.
- Vermy 'n besige of raserige agtergrond.
- Sorg dat die lig voldoende is vir 'n duidelike beeld.

Belangrike datums:

Rondte 1:

8 – 11 Oktober: Videos word tuis opgeneem en gelaai op die webwerf.
12 Oktober om 09:00: Aanlyn stemproses begin en videos kan besigtig word.
16 Oktober om 08:00: Aanlyn stemproses sluit. Die top 50 % van elke kategorie word in kennis gestel en dring deur na die volgende rondte.

Rondte 2: (Slegs leerders wat in die top 50% van rondte 1 geëindig het).

Leerders wat deurdring MOET nuwe videos oplaai.

17 – 18 Oktober: Videos word tuis opgeneem en gelaai op die webwerf.
19 Oktober om 09:00: Aanlyn stemproses begin en videos kan besigtig word.
23 Oktober om 08:00: Aanlyn stemproses sluit. Die top 50 % van elke kategorie word in kennis gestel en dring deur na die semi-finale.

*Rondte 3: **Semi-finaal** (Slegs leerders wat in die top 50% van rondte 2 geëindig het).*

Leerders wat deurdring MOET nuwe videos oplaai.

24 – 25 Oktober: Videos word tuis opgeneem en gelaai op die webwerf.
26 Oktober om 09:00: Aanlyn stemproses begin en videos kan besigtig word.
30 Oktober om 08:00: Aanlyn stemproses sluit. Die top 50 % van elke kategorie word in kennis gestel en dring deur na die finale.

*Rondte 4: **Finaal** (Slegs leerders wat in die top 50% van die semi-finale geëindig het).*

Leerders wat deurdring MOET nuwe videos oplaai.

1 November: Videos word tuis opgeneem en gelaai op die webwerf.
2 November om 09:00: Aanlyn stemproses begin en videos kan besigtig word.
6 November om 08:00: Aanlyn stemproses sluit.
9 November: Wenner word aangekondig.

KLEURFEES

Ons hou Woensdag **21 Oktober en Donderdag 22 Oktober** 'n Kleurfees by die skool. Die koste hieraan verbonde is R20.00. Ekstra pakkies poeierverf sal ook te koop wees teen R20 vir 4 sakkies. Almal moet asb. hul oudste klere aantrek (verkieslik wit, of so lig as moontlik) om die maksimum effek te verkry. Moet asb. nie spesiaal iets wit gaan koop as u kind nie het nie. Die poeierverf kan wel vlekke veroorsaak en daarom moet dit liefs klere wees waarvoor u nie jammer is nie. Ons gaan al die leerders voor die tyd inlig oor die veiligheidsaspekte en dat hul nie direk na die gesig moet gooi nie, maar indien u kind enige donkerbril of swembril het, kan hul dit gerus dra vir ekstra beskerming. Baie dankie vir u samewerking en ondersteuning! Dit belooft om GROOT pret te wees! U moet asseblief die aangehegde skeurstrokie voltooi om toestemming te verleen dat u kind daaraan kan deelneem. Leerders wat nie wil deelneem nie gaan op die pawiljoen sit. Ons het borge vir kinders wie se ouers nie daarvoor kan betaal nie. Skryf asb. 'n epos aan hoof@daniemalan.co.za of stuur 'n briefie aan die hoof waarin u versoek dat die borg vir u kind betaal dan tref ons die nodige reëlings. Dit sal met die grootste konfidensialiteit hanteer word. Ons gaan die grade apart hieraan laat deelneem sodat ons die Covid 19-regulasies nakom.

LOSIE / LAPA UITVERHUUR

Ons verhuur die skool se Lapa uit vir funksies met breekware en stoele en tafels ingesluit teen R2 500 per geleentheid, met 'n R500 deposito. U is welkom om die losie te bespreek by finansies@daniemalan.co.za of te skakel en met Amanda Prinsloo te praat.

ALGEMENE JAARVERGADERING

- Neem asseblief kennis dat die Algemene Jaarvergadering van die Beheerliggaam sal plaasvind op Woensdag 14 Oktober 2020 om 18:30 in die skoolsaal.
- Alle ouers word genooi om die vergadering by te woon.

- Indien die bestaande Covid 19-regulasies teen 13 Oktober steeds in plek is, sal u 'n uitnodiging kry wat u elektronies moet aanvaar sodat ons nie die voorgeskrewe getal oorskry nie. Ons oorweeg dit ook om dalk 'n virtuele vergadering te hou. Ons sal u nader aan die tyd inlig oor die formaat.
- Tydens die vergadering sal die begroting van 2021 bespreek en goedgekeur word.
- Die begroting van 2021 en die goedgekeurde finansiële state is vanaf 1 Oktober 2020 by die kantoor ter insae.
- Maak 'n afspraak by die kassiere indien u dit wil besigtig.
- Indien ons nie 'n kworum bereik met die vergadering op 14 Oktober 2020 nie, sal die Algemene Jaarvergadering op **21 Oktober 2020** plaasvind om 18:30.

FOTOBOEK GRAAD 7

- Ons is besig om 'n Graad 7 Fotoboek van 100 bladsye saam te stel. Die boek gaan net Graad 7 foto's van die jaar bevat en gaan volkleur wees. Die koste per boek is **R250.00** vir 'n sagtebandboek. Voorbeelde kan besigtig word by die kantoor. **Indien u 'n elektroniese betaling doen moet u, u familiekode en fotoboek as verwysing gebruik. Indien u dit nie doen nie gaan u betaling nie na die korrekte begrotingsrekening geplaas word nie. Dring ook aan op 'n kwitansie en hou asb. tot u die fotoboek ontvang het.** Die laaste dag vir betalings is 30 November. Die volgende foto's gaan in die boek verskyn:
 - o Klasfoto's en enkfoto's van elke graad 7 leerder en klas.
 - o Waatlemoenfees, Sokkie, Gedenkmuur, Merietefunksie, Kleurfees, Atletiek, Netbal, Tennis, Koor, Skaak, Terug skool toe na inperking, lockdown foto's ens.
- Neem kennis dat die leerders die boek eers in 2021 sal ontvang. Ons sal u per SMS inlig as u die boek kan kom afhaal.

HERWINNING

- Onthou om papier, karton, plastiekbottels en blikkies skool toe te stuur.
- Ons versoek dat u dit nou in hierdie tyd self op 'n Dinsdag of Woensdag voor die herwinningshek net bokant die kantooringang in Koos de La Reystraat sal gaan aflaai.
- U kan dit op die sygaardjie voor die hek los. Lucky sal dit daar kry.
- Maak seker dat die items wat u bring reeds skoon is en wel herwin kan word.
- Koerantpapier en tydskrifte kan nou weer herwin word. Bring dit dus gerus in.
- **MOET ASSEMBLIEF NIE WEGGOOI NIE. HERWIN DIT EERDER.**

NASKOOL

- Leerders mag na die naskool kom op die dae wat hul skool toe mag kom.
- 'n Verlaagde tarief van R600.00 per maand is betaalbaar of R150.00 per week.
- Nuwe leerders kan van maand- of week-opsies gebruik maak.
- Kontak Joeanne by naskool@daniemalan.co.za of 081 562 9907 vir meer inligting.

VAKANSIE NASKOOL

Kostes: R400 - Sluit in verversing om 10:00, middagete en koeldrank.

Ure: 07:00 - 18:00

Wie mag bywoon: Enige Danie Malan Leerder.

ONBEKENDE DEPOSITO'S

- Die volgende elektroniese betaling ontvang, se verwysingsnommer is foutief en kan nie na die korrekte skoolrekening geallokeer word nie.

Datum	Verwysing gebruik	Bedrag
2020/02/12	EC E Bennett	R1000,00
2020/07/01	Skool Fonds	R800,00
2020/08/25	Capitec Rek Skuld	R500,00
2020/08/31	Capitec C Niemann	R500,00
2020/08/31	EC H Naberman	R40,00
2020/09/18	2605	R100,00

- Kontak asb. finansies om regstellings aan te bring.
- Neem asseblief kennis: U moet u familiekode as verwysing gebruik.
- Indien u vir skoolfonds en naskool saam betaal, moet u saam met die familiekode 'n SK vir skoolgeld en NA vir naskool byvoeg.
- Indien u vir iets anders behalwe skoolgeld moet betaal moet u die familiekode en 'n addisionele verwysing soos Behoefte fonds byvoeg.

Geniet die week.

Groete



Hettie Smith

PG-LAN

HOSTED AT: **LAERSKOOL DANIE MALAN**

DATE: **23 OCTOBER 2020 17:00 TILL
25 OCTOBER 2020 10:00**

COST: **R200 ONLINE
R250 AT DOOR**

TICKETS INCLUDE : **ACCESS TO LAN ALL WEEKEND
PIZZA ON FRIDAY NIGHT
ENTRY TO ALL COMPETITIONS**

WHAT WE HAVE IN STORE: **CSGO COMPETITIONS
TRACK MANIA COMPETITIONS
FALL GUYS EVENT
MINECRAFT EVENT
AND MANY MORE....**

WHAT YOU NEED TO BRING:

- **PC/LAPTOP**
- **SCREEN**
- **KEYBOARD/MOUSE**
- **MOUSEPAD**
- **MULTIPLUG**
- **SLEEPINGBAG**
- **PILLOW**
- **SNACKS**
- **NETWORK CABLE**

SCAN THIS QR AND FILL IN THIS FORM TO RESERVE SPACE

Contact: 084 733 4257 / 068 226 0247



*Tan and Reduce Cellulite
at the same time!*

1 Session = 6 Minutes

MOST POPULAR

10 Sessions	-	R300
6 Sessions	-	R200
1 Session	-	R40

The **Perfect Lex Duo Ultraviolet High Performance** tubes effectively supports the cellulite prophylaxis, thus reducing cellulite while giving your skin a beautiful, long lasting tan.

Call/Whatsapp 084 507 7101 to book your sessions today!